



ԵՐԿՈՒԵԱԲԹԻ, 04 ՄԱՐՏ, 2019

ՏԵՐՈՒՆԱԿԱՆ ԱՊՈԹՔ

(միասնաբար արտասանուած)

Իմաստութիւն Հօր Յիսուս, Կուր ինձ իմաստութիւն զբարիս խորհել եւ խօսել եւ գործել առաջի քո յամենայն ժամ. ի չար խորհրդոց, ի բանից եւ ի գործոց փրկեալս զիս. եւ ողորմեալ քո արարածոց եւ ինձ բազմամեղիս: Ամէն:

ՍԱՂՄՈՍ 63

ԾԱՐԱԻ ԵՄ ՔԵԶԻ, ՈՎ ՏԷՐ

Ով Աստուած, իմ Աստուածս, քեզ կը փնտրեն անձկագին,
հոգիս ծարաւ է քեզի, մարմինս քեզի կը փափաքի՝
խոպան, ճաթնորած, անջուր մնացած հողի պէս:
Ուստի սրբարանդ եկայ՝ քեզ տեսնելու,
զօրութիւնդ եւ փառքդ դիտելու համար:
Որովհետեւ քու սէրդ կեանքէն աւելի կ'արժէ.
ուստի շրթներս պիտի գովաբանեն քեզ,
ամբողջ կեանքիս ընթացքին պիտի օրհնաբանեն քեզ,
եւ ձեռքերս աղօթքով դէպի քեզ բարձրացնեն:
Հոգիս խնձոյքի մէջ պիտի ըլլայ ու կշտանայ,
եւ շրթներս ցնծութեան երգերով պիտի օրհներգեն քեզ:
Երբ կը պառկիմ՝ քեզ կը յիշեն,
գիշերն ամբողջ՝ քու մասիդ կը մտածեն,
որովհետեւ օգնական եղար ինձի.
քու թելերուդ հովանիին տակ ցնծութեամբ կ'երգեն:
Ես քեզի կապուած կը մնամ,
եւ քու աջդ կը պահեմ զիս:

ՇԱՐԱԿԱՆ-ԱՊՈԹՔ

*Տէր ողորմեա, Տէր ողորմեա, Տէր ողորմեա, Տէր ողորմեա:
Ամենասուրբ Երրորդութիւն, սուր աշխարհիս խաղաղութիւն:
Եւ Հիւանդաց բժշկութիւն, ննջեցելոց արքայութիւն:
Արի Աստուած Հարցն մերոց, որ ապաւէն ես նեղելոց:
Տէր ողորմեա, Տէր ողորմեա, Յիսուս Փրկիչ մեզ ողորմեա:*

*Պահապան ամենայնի Քրիստոս,
աջ ին հովանի լիցի ի վերայ իմ ի տուէ եւ ի գիշերի,
ի նստիլ ի տան, ի գնալ ի մանապարհ,
ի ննջել եւ ի յառնել, զի մի երբեք սասանեցայց.
եւ ողորմեա՛ ին արարածոց եւ ինձ բազմամեղիս:*

ՕՐՈՒՄՆ ՆԻԻԹԸ



ՅՈՒՐԱ ՏԵԱՌՆԵՂԲՕՐ ԸՆԴՀԱՆՐԱԿԱՆ ՆԱՄԱԿ

ՅՈՐՈՐ ՀԱՄԱՏԱՑԵԱԼՆԵՐՈՒՄ (1:20-25)

«Յիշեցեք, այն ինչ որ մեր Տիրոջ Յիսուս Քրիստոսի բոլոր առաքելները կանուխեն յայտնեցին ձեզի, ըսելով. «Վերջին ժամանակներուն ամեն ինչ արհամարհող մարդիկ պիտի գան, որոնք իրենց ամբարիշտ ցանկութիւններով պիտի առաջնորդուին, ձեր մէջ բաժանումներ յառաջ պիտի բերեն, մարդիկ՝ որոնք մարմնաւոր ցանկութիւններով կ'առաջնորդուին, քան Սուրբ Հոգիով»» (17-19 հմր): Նմանօրինակ արտայայտութիւն ունի Պօղոս Առաքել իր աշակերտին՝ Տիմոթեոսին գրած երկրորդ նամակին մէջ. «Ժամանակ պիտի գայ, երբ մարդիկ ականջ պիտի չկախեն առողջ վարդապետութեան, այլ՝ իրենց սեփական ցանկութիւններուն համապարասանող եւ զիրենք հաճոյացնող բաներու մասին խօսող ուսուցիչներ պիտի փնտրեն: Պիտի չուզեն ճշմարտութիւնը լսել, եւ առասպելներու ականջ տալով պիտի կորսուին» (Բ Տիմոթ 4:1-4): Աւելի ընդարձակ բացատրութիւն մը դարձեալ նոյն նամակին մէջ 3:1-9: Սա կը նշանակէ, թէ Քրիստոսի աշակերտները, Քրիստոսի նման, սկիզբէն այս բոլորի մասին րեղեակ պահեցին, յայտնեցին ու գրեցին, որպէսզի հաւարացեալները անրեղեակ, անգիտակ չըլլան, այլ ընդհակառակը՝ միշտ արթուն ու պարաստ ըլլան, որպէսզի չմոլորին:

Միւս կողմէ, մէկ այլ ուրիշ թելադրութիւն կ'ընէ ըսելով. «Իրարու հոգեւոր աճումին օգնեցեք ձեր սուրբ հաւաքովը» (20 հմր): Պօղոս Առաքել ինք եւս նոյն յորդորը կ'ընէ, որ հաւարացեալները իրարու օգնեն իրենց հոգեւոր աճումին, պայմանաւ այդ օգնութիւնը ըլլայ սուրբ հաւաքով, այն ինչ որ իրենց փոխանցուեցաւ Առաքելներու կողմէ: Ի՞նչու այս թելադրութիւնը: Կը նմանին այն պատկերին, երբ մարմինը կ'ուզենք որ զօրանայ դիմադրողականութեամբ, որպէսզի կարենայ դէմ դնել այլ եւ այլ հիւանդութիւններու, նոյնպէս ալ հոգեւոր իմաստով, մեր հոգեւոր կրթութիւնը, դաստիարակութիւնը, ուսուցումները, որոնք հիմքը կը կազմեն եկեղեցոյ, որպէսզի անով կարենանք դէմ դնել սուր ու մոլար ուսուցումներու, հոսանքներու: Ուստի, անհրաժեշտ է մեր հոգեւոր աճումը: Այնպէս ինչպէս մարմնի զանազան անդամները իրարու կ'օգնեն, նոյնպէս ալ եկեղեցոյ անդամները իրարու օգնու հոգեւոր աճման համար:

Երկրորդ ամենակարեւոր ազդակը Սուրբ Հոգին օգնականութեամբ աղօթելն է: Ինչո՞ւ անպայման Սուրբ Հոգիով աղօթելու: Որովհետեւ Սուրբ Հոգիով կրնամ գՔրիստոսը ճանչնալ, Սուրբ Հոգիով կրնամ գԱստուած՝ Աբբա հայր կոչել: Սուրբ Հոգին է որ անմռունջ մեզի կը սորվեցնէ աղօթել: Երրորդ, «դուք ձեզ Աստուծոյ սիրոյն մէջ պահեցեք, սպասելով որ մեր Տեր Յիսուս Քրիստոս իր ողորմութեամբ յափտենական կեանք տայ ձեզի» (21 հմր): Ինչպէս պիտի ըսէ Յովհաննէս Առաքել սիրենք գԱստուած, այնպէս ինչպէս Ինք մեզ սիրեց, նոյն սիրով մենք ալ գԻնք սիրենք, իսկ գԱստուած սիրել եւ Աստուծոյ սիրոյն մէջ մնալ, կը նշանակէ մեր անձերը մեղքէն հեռու պահել, ու մեր աչքերը յառած մեր Փրկիչին Յիսուս Քրիստոսին սպասելով Անոր ողորմութեանը, որ Իր գթութեամբը կանչեց մեզ, որպէսզի ողորմի եւ Իրեն ժողովուրդը ընէ մեզ վերաբին ծնելով Սուրբ Աւագանէն, այս բոլորը որովհետեւ Աստուծոյ ողորմութիւնն է, որուն համար անդադար Տերը կ'օրհնենք, ինչպէս պիտի ըսէ Մաղմուտեգուն:

Առաւել եւս, կը թելադրէ որ «Հաւաքին մէջ կասկածներ ունեցողները ամբապնդեցեք: Ուրիշները դատաւարութեան կրակէն իլելով փրկեցեք: Ողորմութիւն ցուցաբերեցեք նաեւ անոնց, որոնք մեղքերու մէջ են: Բայց զգոյշ, արեցեք անոնց մեղսալից կեանքը» (22-23 հմր): Հերաքրքրականօրէն կարգ մը ձեռագիրներու այսպէս կը կարդանք. «Երկմիտները կամ՝ վիճողները յանդիմանեցեք»: Ամենահերաքրքրականը վերջին նախադասութիւնն է, ուր յսկաւորէն ցոյց կը արուի, թէ ինչպիսին ըլլայ մեր վերաբերմունքը անոնց նկատմամբ, որոնք մեղքի մէջ են: Այնպէս ինչպէս որ Աստուծոյ վերաբերմունքը մենք նկատմամբ, որոգնութեամբ, բայց զգոյշ, արելու անոնց մեղսալից կեանքը: Աստուած ալ Ինք կ'ուզէ որ մեղաւորը դարձի գայ ու փրկուի, անոր կորուստը չ'ուզէր, բայց Աստուած մեղքը կ'ապրէ: Նոյնպէս ալ այսօր, ուր բոլորս այս կամ այն ձեւով մեղքի մէջ ենք, եւ բոլորս Աստուծոյ ողորմութեան կարիքը ունինք, բայց թէ այդ ողորմութեան դիմաց շարունակել մեղասելից ընթացքը, արիկա ընդունելի չէ: Այնպէս ինչպէս կը կարդանք Աւետարանին մէջ, երբ առիթով մը պոռնիկ կին մը պիտի քարկոծէին Քրիստոսի ներկայութեան բերին, եւ Քրիստոս այսպէս պարասխանեց. «Ես ալ քեզ չեմ դատար, բայց ալ մեղք մի գործեր», այսինքն՝ փոխելու կեանքիդ, եւ այս պարագային մեղսալից կեանքիդ ընթացքը: Ահա այս իսկ է նաեւ Մեծ Պահեցողութեան ժամանակահատուածին ամբողջ նպատակը քննելու մեր անձերը եւ վստահելու անոր, դիմելու անոր, որ «կրնայ մեզ անկումներէ փրկել, պահել անարար եւ անբիծ, եւ անխառն ուրախութեամբ լեցուն՝ իր փառաւոր ներկայութեան կանգնեցնել, միակ Աստուծոյն՝ որ մեր փրկիչն է՝ փառք տուէք, մեր Տիրոջ Յիսուս Քրիստոսի միջոցաւ: Որովհետեւ Անոր են փառքը, մեծութիւնը, զօրութիւնն ու իշխանութիւնը, թէ՛ բոլոր ժամանակներէն առաջ, թէ՛ այժմ եւ թէ՛ գալիք բոլոր ժամանակներուն: Ամէն» (24-25 հմր):